

# Ленинэнь киява

ВЛКСМ-нь Мокшэрзянь обкомонь ды Саранскоень ошонь комитетэнь газетаст

МАЕНЬ

12 чн,

1937 ие

№ 53 (727)

ЛКСМ

7-дө нө  
члнө птнэ

## ВНЕВГАВТОМС АНТИРЕЛИГИОЗНОЙ ПРОПАГАНДАНТЬ

ВЛКСМ-нь программасонть мерз:

„ВЛКСМ-сь цидярдозь евтни од ломаньтненень суевериятненень ды религиозной предрассудкатненень зыяност. Тень кис организационной специальной кружокт ды лекциянт антирелигиозной пропагандань коряс“.

Суевериятненень ды религиозной предрассудкатненень зыяност од ломаньтненень евтнемась ашти комсомолонь организациятненень икеле важной задачкакс.

Кода жо топавты комсомолонь Чамзинкань райкомось ВЛКСМ-нь программань те вешеманть?

Чамзинкань районсо те шканть самс кодамояк антирелигиозной работа кияк эзь ветья. Зярдэ бути организоваз СВБ-нь ячейкатне каладсть, истя жо райсоветесь как. Весе ловсть, коли социалистической строительствавонть теи нек покш успехт, народось седе культурнойгадсь—значит сын пазнень, а озныть, религиянт каршо бороцямонь шкась жо ютась, секс а мезть ветьямс антирелигиозной роботаяк.

А мезть сепомс, религиозниктне кой-косо роботаст ветьить пек успешно, отпор кинь пельде як а получакинь. Сайдяно факт: апрельстэ Апраксинас сась проходимец-аферист Додонов. Сон мольсь церьковань старостанть ды являвсь, што буто сон Мокшэрзянь ЦИК-стэ представитель, сась церькованть панжомо. Пурнавтынзе сыре бабатненень ды пазнень озныця аватненень промкос ды кармась эйсэст манчеме, што ней, келя, од Конституция, церьковатненень обязательва должны панжомс. Церьковань панжомань разрешениянт кияс вешсь аватненень пельде ярмакт. Те аферистэсь народонь врагось ульнесь лангс ливтезь ансяк ламо чиде седе мейле. Омбоце факт: Начиналы велесэ вейке манашка пурнынзе эсинзе перька сехте религиозной аватненень ды кармась эйсэст кучнеме кудова церьковань панжоманть кис агитациян ветьямо ды ярмаконь пурнамо. Комсомолонь организациясь ды велень советесь теде кувать эзть сода. Кой-кона велетнесь руководителенень политической сокор-чист кувалт религиозниктне сайть эйсэст кедькоморс ды тевс холдыть сынст эсист роботасост. Б.—Ремезенкань велень советэнь председателесь Храмов пачк симнесь попонт кедьсэ ды эрва мейсэ лездась тензэ.

Кармась неявиомо религиозниктненень влияниаст од ломаньтненень

лангсояк. Аволь случайна кой-кона комсомолетнэ якасть венчамо церьковав (Макаров Сайгуши велестэ). Темакова комсомолкась якась попнэнь эйкакшонь лемдямо. Седеяк неявикист истят фактнэ: Маклово велесэ комсоргось Фонарев эсинзе ялганзо марто пачк якась попнэнь ды ламо коновонь перть вейсэ симнекиньст. Теке жо велесэнь школань 7-це классонь ученикат -пионеркат Мельникова М. ды Волкова В. максеть являвкст комсомолс совамо. Комсомолонь комитетесь сынст приминзе. Кода сынст тердизь комсомолонь промкос комсомолонь членкс кемекстамонть туртов, то сын кавонест отказась ды мерсть, што сынст арасть мелест совамс комсомолс, секс промкосвак а сыть. Мейле кармасть содамо, што неть кавто тейтерькатненень религиозной ават кортасть теист седе, што „пионеркс можна улемс секс, што сын эщо вишкинеть ды грехест как пазось тона чистэ простасынзе, но комсомолс, келя, нельзя улемс секс, што сынст грехест пазось а простасынзе ды райскак а понгить“. Мельникова ды Волкова кунсолызь ават ды отказась комсомолс совамо. Комсомолонь организациясь жо кодамояк антирелигиозной пропаганда а вети ды те фактонть эйстэяк эзь тее эрявикс выводт.

Меельсь шкастонть ВКП(б)-нь ды комсомолонь Чамзинкань райкомтнэ кармасть ладямо антирелигиозной роботанть. Пурназь СВБ-нь райоргбюро, кой-косо ютавтозь лекциянт, совещаниянт антирелигиозной роботадонть ды лият кой-кодамо мероприятия. Неть мероприятияне конатненень ютавтызь ВКП(б)-нь ды комсомолонь райкомтнэ—овс асатышкат. Меельсь шканть религиозниктненень роботаст пек виевгадомась ды церькуватненень панжомаст кис агитациянт виевгадомась невтизе антирелигиозной пропаганданть лавшосто ладямонзо.

Весе неть фактнэ кортыть седе, што комсомолонь райкомось аволь сатышкасто вети антирелигиозной пропаганда ды эзинзе тарга од ломанень келей массатненень те тевентень.

Эряви меремс, што СВБ-нь республиканской руководствась кодамояк лезкс а максы СВБ-нь райсоветэнтень ды ВЛКСМ-нь обкомоськак а топавты комсомолонь программанть антирелигиозной пропагандадонть.

— 000 —

## Комсомолетнэ эзть карма улеми антирелигиозной роботанть прявтокс

Хлыстовка велесэ 1935 иенть самс СВБ-нь организациясь ветьясь антирелигиозной покш работа. Сеедьстэ ульнекиньст антирелигиозной чокшнэть, докладт, постановкат, козонь яксылть аволь ансяк од ломаньтне, но истя жо сыретеняк.

СВБ-нь организациянт председателекс ульнесь Щербаков. 1935

нестэнтэ сонзэ саизь лияв. Седе мейле весе антирелигиозной роботась каладсь. Комсомолетнэ мезеяк эзть тее, штобу СВБ-нь организациясь атак лотксе ветьяволь работа, комсомолетнэ эзть карма улеми антирелигиозной пропаганданть прявтокс.

П. Косынкин.  
Чамзинкань район. 107

## ОДС ТЕЕЗЬ СОЮЗНОЙ РЕСПУБЛИКАТНЕНЬ КОМСОМОЛЬСКОЙ ОРГАНИЗАЦИЯТНЕДЕ

ВЛКСМ-нь ЦК-нть ПУТОВКСОЗО

1. Тееме ВЛКСМ-нь Казахской краевой организациянт Казахстанонь од ломаньтненень Ленинской Коммунистической Союзокс ды ВЛКСМ-нь Киргизской областной организациянт—Киргизиян од ломаньтненень Ленинской Коммунистической Союзокс.

Казахской ды Киргизской республикатненень комсомольской очередной сыця с'ездтнэ сэ ютавтомс неть организациянтненень центральной комитетнэнь кочкамот.

2. Ликвидировамс ВЛКСМ-нь Закавказской крайкомонть ды видьстэ ВЛКСМ-нь ЦК-нтень подчинить — Азербайджанонь ЛКСМ-нь ЦК-нть, Грузиян ЛКСМ-нь ЦК-нть ды Армениян ЛКСМ-нь ЦК-нть.

3. ВЛКСМ-нь Каракалпакской областной организациянт совавтоме Узбекистанонь комсомольской организациянт составс, Каракалпакской обкомонть подчинить видьстэ Узбекистанонь ЛКСМ-нь ЦК-нтень.

— 000 —

## РСФСР-с совазь автономной республикатненень комсомольской организацияст видьстэ ВЛКСМ-нь ЦК-нтень подчинениядонть

ВЛКСМ-нь ЦК-нть ПУТОВКСОЗО

1937 иень июлень 1-петанской, Кабардино-Балкарской, Калмыцкой, Карельской, Коми, Марийской, Мордовской, Немцев Поволжья, Северо-Осетинской, Удмурдской, Чечено-Ингушской ды Чувашской автономной республикатненень.

— 000 —

## ШОЖДЯ ПРОМЫШЛЕННОСТЕСЬ КОЛМОЦЕ ПЯТИЛЕТКАСТОНТЬ

Шождя промышленностень Наркоматсонть ютавтазь совещания, косо толковазь колмоце пятилетканть шождя промышленностень планонь теема нь вопроснэ. Шождя промышленностень наркомось Любимов ялгась совещаниянт икелев арасть зяряя вопрос, конат улест те планонть теемавонь основакс.

Наркоматонть главной управле-

ниянтненень начальвиктнэненень мерезь маенть омбоце декаданзо прядовома шканть максомс продукциян холдамонть коряс, предприятиянть производственной мощностест покшолгавтоманть, капиталной строительствант, зарплатанть, трудонь производительностень, продукциянтненень себестоимостень коряс колмоце пятилетканть основной наметкат.

— 000 —

## Кежей телефонограмма

ВЛКСМ-нь Покш Березникень райкомонть роботасонзо ульнекиньстэ ды нейгак улит покш асатыкст сех пек политической тонавтинеманть коряс. Ды те чаркодевик. Райкомонть аппаратсо, политтонавтинемань отделанть заведующеекс кувать ульнесь пняница Громов, кона кеместэ сюлмавозель троцкистской нулгодкэнтэ Пятаев марто. ВЛКСМ-нь райкомось содыль Громовонь местькак а тейнемадонзо, весе рудазов „похождениядонзо“ ды троцкистэнт марто сюлмавомадонзо, но меельсь шканть самс кирдсь эйсэнзэ истямо ответственной таркасо. Громовонь ды тестэ чаркодеви—райкомонтькак—чумост коряс районсонть комсомолонь зяряя организация политтонавтинемась сезезь.

Эряволь бу учомс, што комсомолонь райкомось меельсь шкастонть кода эряви кунды комсомолетнэнь ютксо политтонавтинеманть аравтоманть. Но истя эзь лисе. Косо кодат ульнестэ тейтне,

— истяк кадовстькак. Райкомось политической сокорчинзэ невтизе ВКП(б)-нь ЦК-нь пленумсонть Сталин ялганть докладонзо ды заключительной валонзо, пленумонть решениянтненень тонавтинеманть отношениянтнькак. Сень таркас, штобу те пек важной тевентэ ютавтомасонзо максомс комсомолонь организациятненень практической лезкс, райкомось кучнесь ансяк кежей телефонограммат, конаньсэ кармавтьсэ тонавтине ВКП(б)-нь ЦК-ть Пленумонть материалтнэнь. Мик пропагандаистнэнененькак арасель теезь инструкция.

Теде башка, райкомось колси ВЛКСМ-нь уставонтькак, комсомольской демократиянт. Райкомонть меельсь пленумсо пленумонть составс совавтозь (кооптировазь) 7 ломанть. Бюронь вете члентнэнь эйстэ колмотне кооптировазь. Ды весе ге теезь комсомолетнэнь мелест атак кевкстне.

А. Гирдо,



## Иляст уле вейке классос омбоце не кадовицят

Ало велень аволь полной средней школань ды начальной школань тонавниятне ды учительне кемест кундасть переводной ды проверочной испытаниятнес анокстамо. Весе класстэва толковазь РСФСР-нь Наркомпросонт Бубнов ялганть приказозо ды испытаниятнен ютавтомадо инструкториясь.

Тонавниятне анокстыть истя, штобу испытаниятнен максомс парсте. Вана мезть корты Митя Пантелейкин: „Мон ней прядан 7-це классонть. Истя жо, кода начальной школасонткак, аволь полной средней школасонт мон ульнинь отличник. Мон весе вием путса сенень, штобу зачеттнень максомс отлична ды туемс тонавнне педагогической училищав.“

7-це классонть парсте прядомо кемест анокстыть Рузайкин, Чиндяйкин ды Моталин пионертяк.

Ветеце классонь тонавниятне-пионеркатне Балыкова Люба, Лядунова Тоня, Кухина Зоя, Мирова Зоя, конатнен отметкаст весе ульнест парт, ней анокстыть сенень, штобу зачеттнень максомс отлична ды ютамс VI-це класс.

Весе учительне ютавннить дополнительной занятият ды консультацият, косо толковить весе а чаркодевикс таркатнен.

Учительтнен совещаниясо Кусякин Николай Семенович мерсь: „Мон максан вал, што 37 учениктн, конатнен мон те нестэнт тонтвтын 4-це классонть, весе ютять 5-це класс. Виде, сынт ютксо улить 2 эйкакшт, конат кадовкшныть удалов. Мон сынект макснянь эрявикс лезкс, кеман, што сынгак ютять 5-це класс.“

Лия учительтнеяк (Чиндяйкин, Качагаров) бороцить сень кис, штобу тонавниятне парсте максовлизь лия класс ютамонь ды школанть прядомань зачеттнень, штобу вейкеяк тонавница аволь кадово омбоце не вейке классос.

Ф. Кипайкин.

Ардатовань район.

## Анокстыть зачетнень отличностэ максомо

Березникень район. Пермизь велень аволь полной средней школань тонавниятне анокстыть зачетной испытаниятненень.

Сисемце классонь тонавниятне: Ошкин Федор, Дубаркин Г., Ошкин Иван, котоце классонь тонавниятне: Менякин Д., Мишкин

Иван, Симонова Мария, Пузина Надя, Юртайкин Павел, Киришкин А., Кривошеева Ольга, Тагаев Иван ды ветеце классонь тонавниятне: Кривоногов П., Зиняева В., Катков Назар — анокстыть истя, штобу зачетнень максомс отличностэ.

М. Макушкин.

## Организовазь лекторской бюро

Ардатовань район. Алова велесэ аволь полной средней школань дирекциясь организовазь лекторской бюро, козонь кемекстазь НСШ-нь колмо преподавательт: Абрамов, Кипайкин ды Тюрин.

Абрамов ялгась колхозниктнень ютксо ловнось ВКП(б)-нь ЦК-нь Пленумсонть Сталин ялганть док-

ладонзо ды заключительной валонзо.

Кипайкин лекторось Манадыш велесэ ловнось религиозной иначинть происхождениядонзо, конанть кунсолызь ламо ломанть.

Лекциясь ульнест ютавтозь опыт марто. Кунсолыятне ве мельсэ мерсть, штобу седе сеедстэ теinem истят лекцият.

Ф. К.



Саранской районнь Посоп велесэ призывной пунктсо. СНИМКАСОНТЬ: Михайлова учительница призывниктнень ловны художественной литература.

Фотось А. Ореховонь.

## МИНЕК ВЕЛЕНЕК

Югат Кабаевава ды седеет мик кенярдь. Велесэ покш, эйсэньзэ малав 630 кудот, ванькс, паро. Сонзэ куншкосо кавто покш школат: начальной ды аволь полной средней. Икелень шанжавтнень — поптнень пизесь, церькувась эриятнен мелест корястеезь клубокс, косо ней ютавннить культурно-воспитательной работа. Кабаевасо ули почтовой отделения. Колхозниктнэ, од ломантьне получить эрзянь ды рузонь газетат. Ули а берань библиотека.

Школоса тонавница отличниктнэ роботыть пионерской организациясо. Колхозной производствасонть икеле молиция од ломантьне — активной комсомолецт. Сех вишка эйкакштнэ шумбракс, виевекс, эрмонтьне кенярдиякс касыть яслясо.

Седикеле велесэнь ульнест пек ламо сзредицят, конатнен лангсо наргильть эрва кодат орожат. Ней минек велесэнь роботы паро больница, конань леззэ а етвавикс кодамо покш. Касы велесэнь эйкакшонь шачомась. Аватненень ней а савкшны терднем рудазов, каргодсь бабушкат. Сынект ули шаптома кудо.

Кабай велень эриятненень, колхозниктнэнен эрявикс товайт секе тев усксит кооперациятнен.

Веселгадсь, вадрылгадсь ды мазылгадсь колхозниктнэнен эрямост. Малав весень улить скалост, ревест ды тувост. Кудотне потмо ендотеевить яла седеяк культурнойкс, ванькс. Ней киякштнэ шлякшныть аволь иначистэ ды роштувасто, кода ульнест седикеле, но эрва недляне ды седе сеедстэ. Минек велесэнь чуросто ней вастат истямо кудо, косо бу вальматнесэ аволь уле шторкат ды цецят.

Ламо эйкакш марто зярня ават получаст государстванть пельде покш пособият.

Н. С. Быков.

ДМ. ЛЕВЕДЕВ

## КАПИТАЛИСТИЧЕСКОЙ ОКРУЖЕНИЯСЬ

„Эряви мельсэ кирдемс ды зрдож а стувтнемс, — кортась Сталин ялгась ВКП(б)-нь ЦК-нь Пленумсонть докладсонзо 1937 иень марто 3-це чистэнт, — што капиталистической окружениясь ашти основной фактокс, кона определяет Советской Союзонть международной положениязо.“

Нетъ валтнень парсте эрявить чаркодемс эрва большевиктнень — партийноентень ды беспартийноентень, советской эрва честной гражданинэнтень. Кортамось моли капиталистической окружениянь уликс-чинзэ аволь простой признаниядонть, но сеть практической выводтнеде, конат теи эйстэ лисить.

Социалистической строительстванть пек покш успехтнэ, конат сермадозь Сталинской Конституциясонть, минек практической ламо роботниктнэнь эйс кастаст беспечностень, эсь прань оймавнемань мельть. Нетъ ломантьне арсить, што коли минь виевдяно ды капиталистнэнен савкшны лавомс минек виенек, секс минь можем аштемс мездеяк апап пеле.

Истя могут кортамс политически аволь васов неция ломанть ан-

сяк, конат сзредить идиотской ормасо — беспечностесь. Да, минек масторось виев. Сонзэ виезэ ды кемезэ касыть эрва чистэ яла седеяк пек ды пек. Минь а пельдяно кодамояк врагто. Но теи эйстэ овси а лиси, што врагтнэ сзть местэ, паро мельсэ кармить ваномо весе мирэнь трудицятненень маякокс теевезь социалистической государстванть пек покшсто касоманзо лангс. Мекей лангт, ков седе покшт социалистической строительствань успехтнэ, тов седеяк кежейкс ды азаргадозекс карми улеме капитализмась ды сонзэ террористической авангардось — фашизмась, сын кармить снартнеме сеземс социализмань масторонть виензэ.

Ней, зярдо весе уш содасызь Советской Союзонть экономической ды оборонной виензэ, капиталистнэ ламоксть эрва кода арсит минек лангс каявомадонть икеле. Японо-германской соглашениянь тееманзо коряс минь нейдяно, што социализманть сех кежей врагонзо — японской ды германской буржуазиясь — кадызе СССР-нть лангс парсте апап анокста каявомань возможностнеде ме-

ленть. Сынт седе парсте арсия политиктнэ нейгак, японо-германской соглашениянь теемадонзо мейле, ловить, што СССР-нть саты виезэ тапамсэсинзэ противниктнэнь аволь ансяк башка, но сынт куш кодамо вейс пурнавомасояк. Яла теке фашизмась робочейтнень ды крестьянтнэнь мирсэнтэ социалистической васенеце государстванть каршо войнань азаргадозь анокстамо вети, сон теи весе сень кис, штобу сеземс минек виенек ды минек каршо войнанть ушодомс минек туртов сех аволь паро условиятнесэ.

Вана мекс „эряви мельсэ кирдемс ды а стувтнемс, — корты Сталин ялгась, — што зярс ули капиталистической окружения, — кармить улеме вредительтккак, диверсанткак, шпионткак, террористкак, конатнен кучинть Советской Союзонть тылс омбо масторонь государстванть разведывательной органтнэ, кирдемс мельсэ теи ды ветьамс бороцямо сетне ялгатнень каршо, конат мезекскак а ловить капиталистической окружениянь фактонть значениянзо, конат мезекскак а ловить вредительстванть виензэ ды значениянзо“. (Сталин, ВКП(б)-нь ЦК-нь Пленумсонть докладозо „Партийной роботанть асатыктнеде ды троцкистской ды лия двурушниктнэнь ликвидациянь мератнеде“).

Антисоветской троцкистской цен-

транть январской процессэ ульнест лангс таргаз, што народонь врагтнэ Пятаков, Радек, Сокольников сюлмавозельть японо-германской разведчиктнэнь марто. Шпионажось, диверсиятне ды вредительствась — те эсист противниктнэнь каршо империалистической ды сех пек фашистской государстванть салава бороцямонь обычной способ. Примеркс, Германиясь ды Япониясь умок уш лововильть „классической“ шпионажонь масторокс. 1904—1905 иетнестэ русско-японской войнанть шкасто Россиянтэ Васоло чи лисема енксось ульнест пештязь японской шпионтизэ. 1914—1918 иетнестэ мировой войнанть шкасто Россиянтэ сетне областне, конат ульнест Германиянтэ марто граница маласо, пешксельть германской шпионаждо: ульнест губернской, окружной ды лият эрва кодат шпионт. Сеть шпионтнеде башка, конат ветясть эрва шкань практической работа, ульнест эщо законспирированной шпионт, конат „вишкине“ теи эйстэ эйне ды учость войнань ушодовома, штобу сестэ сеске жо теимс покш вредительстват ды диверсионной теи.

Вере аштиця русской „обществанть“ ды офицерстванть ютксо ульнест истят ломанть (кодамоль содавикс полковникесь Мясоедов), конат покш заработкань кис эйстэ



## Од ломаньтне молишь военной школав

Игнатовань районнь комсомо-  
лецтнэ макснить заявлениат воен-  
ной школав тонавтнеме молема-  
донть.

Игнатовской средней школань  
тонавтниятне Супин И., Канд-  
ратьев И., Адушев П., Самойлов,  
Кандратин, Кемайкин, Дыряев теизь  
документэст ды ютасть медицин-  
ской комиссия, конась сынт ло-  
винзе маштовиякс военной шко-  
ласо тонавтнеме.

Арютин.

## Стувтызь од ломаньтнень вешемаст

Апрель ковсто Хлыстовка ве-  
леть комсомолецтнэ ды колхозной  
од ломаньтне ютавтсть вейсэнь  
промкс. Од ломаньтне пеняцать  
сень лангс, што сынт ютксо ком-  
сомольской организацияськак, из-  
бачоськак (сон жо парторг) — Бо-  
бин, библиотекарьськак — Грошев  
а ветить культурно-воспитательной  
робота.

Промксонть од ломаньтне  
вешть, штобу ловнома кудосонть  
ветямс алкуксонь робота, органи-  
зовамс тосо добровольной кру-  
жокт, нолдтнемс стенгазета, ютав-  
тнемс книганы ловномат, теэмс  
спортивной площадка, турник, ра-  
мамс футбол, организовамс фут-  
больной команда.

Комсоргоськак, избачоськак, биб-  
лиотекарьськак макссть вал, што  
сынъ нейке жо кундыть тевс,  
маень 1-нь чинть самс тейсызь ве-  
се сень, мезе вешить од ломаньт-  
не. Но кодак ютась промксось,  
псисэ кенгелиятне кельмесь ды  
те шкаскак мезеяк эзь тее.

Комсомолец.

Чамзьякань район.

## Батяйкин а вети пионертнэнь ютксо кодамояк робота

Покш Березникень р а й о н .  
Ютась иестэнт Пермизь велень  
аволь полной средней школасонть  
ульнесь колмо кружокт: мора-  
монь, шумовой оркестрань ды  
физкультурной. Сынъ сеедьстэ  
тейнесь выступлениат. Тонав-  
тниятне ды пионертнэ тейнильт  
спектакольть.

Те иесь жо ютась истяк. Кодат-  
как кружокт арасельтькак. Выс-  
туплениат, спектакольть эзь уль-  
нексне. Пионерэнь отрядсонть  
арась мезеньгак робота. Пионер-  
тнэ ютко шкаст ютавтнишь ки-  
нень кода паро.

Ули пионерской клуб, но пионер-  
вожатоесь Батяйкин пекстызе сон-

эз ды а панжтняк эйсэнь. Клу-  
бонь библиотекасонть пульсэ вель-  
тавсть ламо книгат. Батяйкин  
жо пионертнэнь ловномс эйсэст  
а максни. Клубсонть можналь бу-  
ютавтнемс эрва кодат интересной  
налксемат. Тенень сынсесткак пи-  
онертнэнь ули мелест. Но жожа-  
тоесь Батяйкин мездеяк а меля-  
вты. Клубсонть истяк аштекснить  
шашкат ды шахмат. Ламо пио-  
нерт маштыть налксемэ, ламот  
бажить тонавтнеме. Но таго яла  
Батяйкин чумось. Пионертнэ ла-  
моксть тенэ кортнесь, яла теке  
сон робота а вети, клубонть а  
панжтнэ.

Пионер

## Вештяно пионерской литература

Пек аламо вожатойть, конатне  
содыть пионерэнь од морот ды  
налксемат, ды тенъ кувалт кода-  
мояк литератураяк арась.

Косто жо карми улеме жожа-  
тоень пионерской литератураны  
библиотеказо, кода мордгизэсь  
тенъ кувалт кашт моли.

Ичалкань ВЛКСМ-нь райкомось  
как а пурнакшны вожатойтнень  
семинарс. Курок пионертнэ туить  
лагерев. ВЛКСМ-нь обкомонтень  
эряви мелявтомс, штобу седе ку-  
рок кучомс литература вожатойт-  
ненень.

Н. Семенова.

Ичалкань р-н.

## Пионеротрядось вожатойтеме

Ардатовань район. Ташто-Арда-  
товань аволь полной средней шко-  
ласонть 1935 иестэ организовазель  
пионерэнь отряд. Те отрядось вас-  
ны роботась вадрясто. Эрва коп-  
сто кавксть эрильть спорт, тей-  
нильть сокссо киякстнемат, эр-  
ва кодат чокшнеть ды лият.

Теде мейле отрядонь вожатойкс  
аравтокшнызь Козлова Аннань, ко-

нась телень перть эзь робота пи-  
онертнэнь марто. Нейгак отрядось  
а роботы, вожатоез эрась. Пио-  
нертнэ якить галстуктомо.

Сеедьстэ эрси истя, што пио-  
нертнэ ды тонавтниятне венъ-  
перть якить ульцява ды морыть  
эрва кодат апаро морот.

Мамаев.

## Пионертнэ вейсэ ловнызь „Как закалялась сталь“ романонть

Сабаева велень пионертнэнь  
ней ули эсис а берянь клубост,  
тосо сынъ веселасто, мазыстэ  
ютавтнишь ютко шкаст, ветить ро-  
бота.

Клубсонть пионертнэнь ули а

берянь библиотекаст, ловныть  
книгат. Аволь умок отрядсонть  
весе пионертнэнь ютксо ловнозь  
Н. А. Островскоень „Как закаля-  
лась сталь“ романось.

Е. Акимов.



ОД САРАНСК  
СНИМКАСОНТЬ: центральной  
почтамтось.

Фотось Б. Волгинэнь.

## Мекс пионертнэ а кандтлить галстукост

Дубенкань район. Кенде велень  
аволь полной средней школань  
пионерской отрядсонть 30 пионерт.  
Комсомоло-нь райкомось вожатойкс  
аравтызе З. М. Балеикинань. Во-  
жатойкс: улемань весе шканть  
перть сон кодамояк интересной,  
весела, паро робота эйкакштнэнь  
ютксо а вети.

Ульнесь теэзь истямо ушодкс:  
пионертнэнь толковамс С алин-  
ской Конституциянь. Ютавтозь  
вейке беседа. Но сон ульнесь ис-  
тямо коське ды аволь интересной,  
што кияк мезеяк эзь чаркоде. Те-  
де мейле Конституциядонть пио-  
нертнэнь мезеяк эзь евтне.

Сень кувалт, што отрядсонть  
арась интересной, мельс туиця ро-  
бота,—пионертнэ шкаст ютавтнишь  
кие кода машты. Чокшнэнь перть  
чийнить ульцява, таргить, кортыть  
виськс вайсо, хулиганить. Вейкеяк  
пионер а кандтл галстуконзо.  
Тонавтниця.

нулгоде Германиянтень макснемс  
Россиянь военной секретт. Лон-  
донсо ды Римсэ русской посольст-  
ватнесэ ульнесь германской шпи-  
онт ды прелательть, конат Бер-  
линэв кучнесь сехте секретной  
сведениат русской вооруженият-  
неде ды русской штабонть стра-  
тегической плантнеде. Тевесь  
пачкодсь сенень, што английской  
правительствась отказась мик  
русской посольствантень секрет-  
ной кодаткак сведениянь максне-  
мадо, секс што неть сведения  
неде сеске жо кармить содамо  
Берлинсэ. Истя ульнесь ютась  
шкастонть.

Неень шкань капиталистической  
алкукс-чись эшо седеяк пек пеш-  
тызь истят фактнэсэ. Зяроксть  
уш газетасо сермадозель Амери-  
касо японской шпионтнэнь, Фран-  
циясо германской шпионтнэнь  
арестовамо. Теке марто эряви  
меремс—японо-германской шпио-  
нажонть „деятельне“ а оймакш-  
нить ансяк секретной сведениянь  
пурнамонт лангс, сынъ истяжо  
келейстэ ютавтнишь диверсият,  
провокацият ды вредительства.  
Японской диверсантиэнь лезде-  
мост марто ульнесь организовазель  
Южно-Манчжурской кичинь кинть  
лангсо се фантастической взры-  
весь, конатань тевс ютавтозь  
Квантунской армиясь саизе Манч-  
журиянь. Японской разведкась  
микэсинэз роботниктнэньгак маш-

несь сень кис, штобу теэмс  
„инцидент“ ды видексэкс ловомс  
китайской территориянь те эли-  
тона пельксэнт нельгеманзо.  
Польшасо, Эстониясо, Финляндия-  
со, Швейцариясо, Чехословакия-  
со, гитлеровской шпионтнэнь  
процесстнэ невтизь, што геста-  
понть агентнэ маштнесь ломань-  
как, омбо масторонь территория  
лангсто ломантькак, салсесть,  
анокстакшность ды ютавтнесь  
диверсионной тевтькак. Омбо мас-  
тортнэнь марто тевень ветямонь  
коряс французской министронт  
Бартунь ды Югославской коро-  
ленть Александрань 1934 иень де-  
кабря ковстонть маштоматкак  
истяжо ютавтозь фашистской те  
сех гнусной учреждениянь учас-  
тиянзо марто.

Истя ветить эсь прят импери-  
алистической государстватне эсь  
ютковаст отношениясонть. Эряви  
ли теде мейле а кемемс, што Со-  
ветской Союзонть коряс минек  
врагтнэ ютавтнишь ды кармить  
ютавтнеме диверсиянь, шпиона-  
жонь ды вредительствань эшо се-  
деяк пек гнусной средстват?

„...Мекс буржуазной государств-  
ватне,—корты Сталин ялагась,—  
советской социалистической го-  
сударстванть лангс должны ва-  
номс седе чевтестэ ды седе доб-  
рососедски сень коряс, кода ва-  
ныть вейкетть типень буржуаз-  
ной государстватнень лангс? Мекс

сынъ должны кучнемс Советской  
Союзонть тылс седе аламо шпионт,  
вредительть, диверсант ды маш-  
ният сень коряс, зяро сынъ куч-  
нить сынсест родственной буржуа-  
ной государстватнень тылс?“ Аволь  
седе виде ли ули, марксизманть  
коряс, арсемс, што Советской  
Союзонть тылс буржуазной госу-  
дарстватне должны кучнемс  
кавксть ды колмоксть седе ламо  
вредительть, шпионт, диверсант ды  
машният, чем буржуазной куш  
кодамо государстванть тылтнэс?

Сталин ялагась неть валтнэсэ  
пек кеместэ тешксты сеть ялгате-  
нень политической сокорчинть ды  
аволь васов нееманть весе опас-  
ностенэс, конат (ялгатне) мекс бу-  
ти арсить, што капиталистиче-  
кой окружениясь прядовкшны минек  
границатнень лангсо ды што мас-  
торонть потсо можна сонэз кувалт  
ай-арсемскак. Минек масторсонть  
маштозь эксплуататорской клас-  
стнэ. Неть тапаз класстнэнь ка-  
довкстнэнь арась кодаткак кеме-  
маст масторонок потсо изнявксонь  
тееманть. Но зярс ули капита-  
листической окружения, зярс со-  
циализманть врагтнэ минек мас-  
торов кармить кучнемэ эсис ши-  
онт ды диверсант, неть зярд  
бути азоркс аштекс класстнэнь  
кадовиктнэ эрва кода кармить  
лезламо омбо масторонь развед-  
чиктнэнь сынс гнусной контр-  
революционной роботасонть. Ди-

версантнэнь—фашизманть разве-  
дывательной организационь сех па-  
ро нежекс аштит контрреволю-  
ционной троцкизманть ды капита-  
лизмань вить реставратортнэнь пу-  
ло-пелькстнэ, конатнень арась  
кодаткак кемемаст массатнень  
лангс ды сынъ неть пуло пельк-  
стнэ анокт теэмс куш кодамо пре-  
дательства, преступной куш кода-  
мо тев минек социализмань мас-  
торонть зыянс.

Вана мекс ней икелень коряс  
пек седе ламодо вешеве больше-  
виктнэнь — партийнойтнэнь ды  
аволь партийнойтнэнь — пельде  
покш бдительность ды куш, кода-  
мо чамакссо кекшез врагонть со-  
дамо. Эсинэз рудазов кеденэз  
фашизмась венсти минек мас-  
торонть стратегической ды экономи-  
ческой крепостнень лангс, штобу  
минек масторонть лавшолгавтомс  
сынст эндо анокставикс каявомань  
шканть. Тень эряви мельсэ кир-  
демс эрванть. Капиталистиче-  
ской окружениясь ули аволь ансяк  
минек границатнень лангсо, косо  
сонэз каршо аравтозь минек а  
изнявикс Якстере Армиянь виез.  
Те окружениянь суренэз уско-  
вить минек масторонть потмов,  
секс минек родинань эрва вер-  
ной церанть, эрва верной тей-  
теренть долгозо—свал улемс ано-  
кокс, штобу неть суретнень шкас-  
тонзо неемс ды керямс.



## А СОДАСЫЗЬ СТАХАНОВЕЦТНЭНЬ

Б. Березникень районсо Пермизь велень колмонест колхозтнэнь эйсэ председательне а содасызь паксясо роботамонть коряс эсис стахановецт.

Колхозтнэсэ улить стахановецт-од ломанть, конатне эсис роботасо невить паро образецт. Вана, примеркс, Калинин ялганть лемсэ колхозсо **Славкин К. И. ды Казаков** сокиятне 1,25 гектартнэнь таркас соксит эрьвась 1,5 гектарт. Но неть од стахановецтнэде колхозниктнэ а содыть. Колхозонь председателесь жо Илькаев овси эзь арсе келейгавтомс неть сокиятнэнь опытэст остатка колхозниктнэнь ютксо. Секскак те колхозсонть мик сонсь Илькаев а содыседе, улить ли тосо стахановецт.

— Можо эщо улить, но мон а содан зярс теде мезеяк, весе мельга а кенерят ванномо. Колхозось ведь покш, мон жо ськамон, учетчикемгак ансяк вейке весе колхозонть келес, — корты Илькаев.

„Парижская коммуна“ колхозсонть председателесь **Нечаскин** ялгась (сон жо те колхозсонть комсомолонь комитетэнь секретарь) а содыседе, кода роботыть те колхозсонть 12 комсомолецтнэ ды аволь союзной од ломаньтне, а содасынзе эсинзе колхозсо весе ударниктнэнь ды стахановецтнэнь. Бутти жо кортамс ансяк комсомолецтнэде, сесте **Нечаскинэнь** валонзо коряс лисни, што комсомолецтнэ стахановской методсо роботамонь немогут секс, што... сын роботыть постоянной роботасо.

„16 партс'езд“ колхозсонтькак стахановецтнэнь кастоманть коряс кияк эзь веть работа. Секскак то сояк **Сароваткинэ** ды **Добкинэ** башка стахановецт а соды председателесь **Бояркин**.

Стахановецтнэнь методост келейгавтоманть пек покш значенианть стувтызе партгорскак **Осипов** ялгась. Сонгак те коряс мезеяк эзь тее.

Мекс Пермизь велень колхозтнэнь ды велень руководителесте ваныть стахановецтнэнь ды сынст пектеяк-пек паро ды эрявикс движениянть лангс?

Те кевкстеманть каршо тенек кармить отвечамо районной организациянень руководителесте.

А. М.

## Те шкас а толковать МАССР-нь Конституциянь проектэнь

Дубенкань район. Сайне велесэ те шкас эзизь ушодо МАССР-нь Конституциянь проектэнь толковамонзо. Мезе жо учить Сайне велень руководителесте, зярдэ жо ушодснз Мордовиянь те исторической документэнь толковамонзо?

Ярославкин И. А.

## Роботань таркас ансяк план

Березникень район, Шугуровань средней школына стенах понгартсь план, конасонть ульнесь тешкстазь физкультурань, хорошей, драматической ды литературной кружоктнэнь организовамо.

Неть кружоктнэс теекшнэсть плант, кочкасть руководителесте ды текень лангс лоткасть.

Ней роботы ансяк драмкружоксь, лиятне мезькак а тейнить.

Сем. П.



**СНИМКАСОНТЬ:** республиканской Испаниянь тейтерьтне-комсомолкатне токавнить военной тевентень. (Союзфото).

## ПАРЛАМЕНТСКОЙ КОЧКАМОТНЕСЭ ЯПОНИЯНЬ ПРАВИТЕЛЬСТВАНТЬ ПОРАЖЕНИЯЗО

Фашистской военщианть веть монзо ало молиция Японской правительстванть омбо мастортнэнь марто ды эсь масторсонть политиказо тейни пек покш мельс а паро. японской народонть келей массатнэнь ютксо. Мик буржуазной партиятнэньгак савкшны ловомс массатнэнь антивоенной ды антифашистской касыця мелест марто. Япониясо империализманть умеренной группировкатне ды авантюристской элементнэ яла седеяк пек саить эсис кедьс государственной властэнь. Сынст ютксо моли бороцям, кона эсь прынзо невтисе парламентсэнь, косо пек критиковазель правительстванть деятельностисэ.

Правительствась, военщианть лепштямонзо коряс, мартонь 31-це чистэнь нолдызе парламентэнь ды назначась апрелень 30-це чистэнь ютавтомс од кочкамонт.

Сень лангс апак вано, што парламентской кочкамотнэнь весе анокстамось ды сынст кочкамотне ютавтозь полицейской производонь обстановкас, апрелень 30-це чистэнь ютавтозь кочкамотнэнь итогтнэ кортыть японской правительстванть покш поражениядонзо. Од парламентсэнь сех ламо таркатнэнь—ниле сядт кодемень кототнэнь эйстэ ниле сядотнэнь получизь основной оппозиционной

партиятне — Минсейто, Сейюкай (Япониясо буржуазной пек покш партият) ды Сякай Тайсюто (социал-демократической партият) Минсейто партияс получась 179 мандатт, Сейюкай—175, Сякай Тайсюто—37.

Правительственной партияс—Сиовакай—кочкамотнесэ емавтсь 5 мандатт, палатанть икелень составсонть сонзэ ульнесь 24 мандатонзо, ней кадовсь ансяк 19.

Сякай Тайсюто партиятнь, кона являвсь лозунг СССР-нть марто малавиксстэ теевемо, ней парламентсэнь кармасть улеме тарканзо кавксть седе ламо.

Те партияс од мандатт сайсь буржуазной партиятнэнь пельде, сех пек Минсейтонть, пельде, конась неть кочкамотнесэ емавтсь 26 мандатт.

Парламентс кочкамотнэнь результаттнэ эщо вест невить, што японской народось правительстванть чумонды военщианть авантюристической политиканть лездамонт кис, кона (военщианть) лепштямонзо, коряс теезель япон-германской военной соглашенясыкак.

Парламентской кочкамотнэнь ютавтоманть кувалт можна учомс Япониясо внутривполитической положенианть седеяк пштилгадама. (ТАСС).

## Культурно-массовой работа тунда видемань шкасто

„Память Ленина“ колхозсонть (Б.-Игнатовань район) комсомолонь активесь парсте ветикультурно-массовой роботанть. Тунда видемань шкастонть организовасть газетань ды художественной литературань ловномат.

Нолдасть колмо стенгазетат. Колхозниктнэнь ютксо тонавтизнь Сталинской Конституциянь ды МАССР-нь Конституциянь проек-

тэнь, Совнаркомонь ды ВКП(б)-нь обкомонть путовкост тунда видемадонть.

Художественной литературасто ловность: Серафимовичень „Чудо“, Лесковонь „Тупейный художник“ ды Горькоень „Женщина с голубыми глазами“. Истя жо ловность Испаниянь героической аватнеде.

Арютин.

## Комсомолецтнэ роботыть бригадасо

„Од веле“ колхозсо (Инсаронь район) комсомолонь комитетэсь вети вадря культурно-массовой работа колхозниктнэнь ютксо.

Весе комсомолецтнэ кемекстазь бригадатнес. Сын эрьва чистэ обедэнь шкасто колхозниктнэнь марто тейнить беседат, ловныть газетат. Тонавтизнь ВКП(б)-нь ЦК-нь февральской Пленумонть путовксонзо ды Сталин ялганть докладонзо.

Ней организовасть келей толковамо МАССР-нь Конституциянь проектэнь коряс. ВЛКСМ-нь комитетэнь секретаресь Звонарев ялгась невити вадря пример. Чить сон кортни колхозниктнэ марто, чокшнэ лезды бригадной стенгазетань нолдыятнэнь.

Аволь беряньстэ роботы колхозонь агитбригадась, конанть ули патефонозо, струнной оркестразо ды гармошказо.

Ив. Пузаков.

## Колхозной паксянь стахановецт

Ромодановань район. Вишка Березникень „ДВКА“ колхозсо роботыть ромодановской МТС-нь трактористт-видицят: Потянов, Лапин, Алексанин ды Баранов ялгатне. Сынст видемань нормаст 14 гектарт, но эрьва сменане виднить 28—30 гектарт.

Пятинской велень „Товарищ“ колхозсо Гордеев трактористэсь норманзо эрьва чистэ топавты 200 проценти.

Вл. Ананьин

## Эйкакштнэнь технической станция

Маень 1-це чистэ Инсарсо панжовсь эйкакшонь технической станция, конасонть 5 покш комнатат. Вейкесэнь аштить модельть, омбоцесэнь—эйкакшонь художественной картинат, колмоцесэнь—столярной мастерской.

Тосо эйкакштнэ тейнэсть модельть, налксить биллиардсо, шахматсо ды шашкасо, кунсолыть патефон ды лият.

Май ковсто истя жо карми роботамонь эйкакшонь ведень станция.

П.

## Минек выступлениянок

Ромодановасо соцкультурань кудось тунда видемань шкасто кучнесь агитбригадат райононь колхозтава.

Минек агитбригадась колхозонь паксясо колхозниктнэнь оймсема шкастонть ловнокшныль газетат ды журналт. Тейнэсь концерт, морсесь колхозной частушкат.

Весе колхозтнэ, конатнесэ минь ульнилек, минек выступлениянтьнэнь шнызь ды вешть, штобу седе сеедытэ сакшнось агитбригадат.

А.

## ОД КЛУБ

Косогор велесэ (Березникень район) строясь од клуб. Тосо улить газетат, ютавтиять беседат.

Религиозной празниктэнь (инчиденть) икеле клубсонть налксэсь антирелигиозной пьеса. Колхозниктнэ свал якить клубов газетань ловномо, беседань кунсолмо.

Мокшов Н.

Отв. редакторсь М. ЛЮПАЕВ.